

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

ЎЗБЕКИСТОН РЕСПУБЛИКАСИДА КОРРУПЦИЯГА ҚАРШИ КУРАШИШ ТИЗИМИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТҮҒРИСИДА

Кейинги йилларда мамлакатимизда коррупцияга қарши курашиш соҳасида муҳим ташкилий-хуқуқий ислоҳотлар амалга оширилди. Аҳолининг хуқуқий онги ва хуқуқий маданиятини оширишга, жамиятда коррупцияга муросасиз муносабатни шакллантиришга йўналтирилган тизимли чоралар кўрилди.

Ислоҳотларни амалга ошириш доирасида фуқароларнинг хуқуқ ва манфаатлари ҳимоя қилинишини, давлат ҳокимияти ва бошқаруви органлари фаолияти очиқлигини, жамоат ва парламент назоратини таъминлаш механизмлари такомиллаштирилди, шунингдек, хуқуқни муҳофаза қилиш ва суд органлари фаолиятининг ҳуқуқий асослари ислоҳ қилинди.

Шу билан бирга, иқтисодиётни янада ўстириш, халқ фаровонлигини ошириш, мамлакатда инвестиция мухитини яхшилаш борасидаги стратегик вазифаларни ҳал этиш коррупцияга қарши курашиш соҳасида давлат сиёсатининг самарали амалга оширилишини таъминлаш ҳамда коррупция кўринишларининг сабаб ва шарт-шароитларини бартараф этиш бўйича янги тизимли чоралар кўрилишини тақозо қилмоқда.

Коррупцияга қарши курашиш тизими самарадорлигини ошириш, энг юқори даражадаги қулай ишбилармонлик мухитини яратиш, мамлакатнинг халқаро майдондаги ижобий обрў-эътиборини ошириш мақсадида, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларга мувофиқ:

Олдинги таҳрирга қаранг.

1. 2019-2020 йилларда коррупцияга қарши курашиш давлат дастури (кейинги ўринларда — Давлат дастури) **1-иловага** мувофиқ тасдиқлансан.

Давлат ҳокимияти ва бошқаруви органлари, жамоат бирлашмалари ва бошқа ташкилотлар давлат дастурининг ҳар бир банди бўйича мақсадларга эришишда самарадорлик индикаторларини ишлаб чиқсин ва Ўзбекистон Республикаси коррупцияга қарши курашиш миллий кенгаши билан келишиб олсин.

(1-банд Ўзбекистон Республикаси Президентининг 2021 йил 6 июлдаги ПФ-6257-сонли Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон)

2. Ўзбекистон Республикаси Олий Мажлисining палаталарида коррупцияга қарши курашиш ва суд-хуқуқ масалалари бўйича қўмиталар ташкил этилганлиги маълумот учун қабул қилинсин.

Идоралараро комиссия икки ой муддатда коррупцияга қарши курашиш бўйича намунавий тадбирларнинг идоравий дастурини Ўзбекистон Республикаси Олий Мажлиси палаталарининг коррупцияга қарши курашиш ва суд-хуқуқ масалалари бўйича қўмиталарига муҳокама қилиш ва келишиш учун киритсан.

3. Қорақалпоғистон Республикаси Жўқорғи Кенгеси, вилоятлар ва Тошкент шаҳар халқ депутатлари кенгашлари, туман ва шаҳар халқ депутатлари кенгашларининг таркибида коррупцияга қарши курашиш комиссияларини ташкил этиш тавсия қилинсин, уларнинг зиммасига:

жойларда коррупцияга қарши курашиш соҳасидаги ишларнинг ҳолатини комплекс ўрганиш;

жойларда коррупция кўринишлари намоён бўлишига олиб келадиган тизимли муаммолар ва коррупциянинг ҳолати тўғрисида Ўзбекистон Республикаси Олий Мажлиси палаталарининг коррупцияга қарши курашиш ва суд-хуқуқ масалалари бўйича қўмиталарига ушбу соҳадаги фаолиятни такомиллаштириш юзасидан таклифлар киритган ҳолда мунтазам равища ахборот бериб бориш функциялари юклансин.

4. Белгилаб қўйилсинки:

а) коррупцияга қарши курашиш соҳасида давлат сиёсатининг устувор йўналишлари ўрта муддатли истиқболда қўйидагилардан иборат:

суд ҳокимиятининг мустақиллигини янада мустаҳкамлаш, судъяларга ҳар қандай тарзда қонунга хилоф равишда таъсир ўтказиш шарт-шароитларини истисно этиш;

давлат хизматчиларини танлов асосида саралаб олиш, лавозимга тайинлаш ва юқори лавозимларга кўтаришнинг шаффоф тартибига асосланган давлат хизмати тизимини шакллантириш, улар учун чекловлар, тақиқлашлар, рағбатлантириш чоралари ҳамда коррупциянинг олдини олиш бошқа механизмларининг аниқ рўйхатини белгилаш;

давлат хизматчилари даромадларини декларация қилиш тизимини босқичма-босқич жорий этиш ва уларнинг иш ҳақи етарли даражада бўлишини таъминлаш, шунингдек, давлат хизматини ўташда манфаатлар тўқнашувини ҳал этишнинг ташкилий-хуқуқий асосларини такомиллаштириш;

коррупция билан боғлиқ хуқуқбузарликлар тўғрисида хабар берган шахсларни ҳимоя қилишнинг самарали ташкилий-хуқуқий механизмларини жорий этиш;

аҳолининг хуқуқий онги ва хуқуқий маданиятини янада ошириш, жамиятда коррупцияга нисбатан муросасиз муносабатни кучайтириш;

давлат органлари ва ташкилотларининг ҳисобдорлиги ва фаолиятининг шаффофлигини ошириш;

фуқаролик жамияти институтлари, оммавий ахборот воситалари фаолиятининг чинакам эркинлигини таъминлаш ва уларни коррупцияга қарши чораларни тайёрлаш, ўтказишида ва ижросини мониторинг қилишда иштирок этишга жалб қилиш;

б) идоравий коррупцияга қарши курашишнинг самарали дастурларини амалга ошириш, уларнинг ҳисобдорлиги ва фаолиятининг очиқлиги механизмларини жорий этиш, одоб-ахлоқ қоидаларига риоя этилиши ва манфаатлар тўқнашувининг олди олинишини таъминлаш бўйича амалий чора-тадбирларни бажариш орқали тегишли соҳада коррупцияга оид хуқуқбузарликларга имкон яратा�ётган сабаблар ва шарт-шароитларни таг-томири билан йўқотиш давлат органлари ва ташкилотлари раҳбарларининг биринчи даражадаги муҳим вазифаси хисобланади.

5. Белгилансинки:

а) 2019 йил 1 июлдан бошлаб давлат органлари зиммага юкланган вазифа ва функцияларни амалга оширишда юзага келадиган коррупция хавф-хатарларини вақти-вақти билан мажбурий баҳолаб боради, унинг якунлари бўйича:

коррупция хавф-хатарига энг кўп дуч келадиган давлат хизматчиларининг фаолият соҳалари ва лавозимлари, шунингдек, уларнинг функциялари (ваколатлари)нинг рўйхатини шакллантиради;

идоравий коррупцияга қарши курашиш дастурлари ижросининг ҳар чораклик мониторингини амалга оширади ва коррупциявий хавф-хатарларни минимум даражага тушириш чораларини кўради;

Олдинги таҳрирга қаранг.

Ўзбекистон Республикаси коррупцияга қарши курашиш миллий кенгаши (кейинги ўринларда — Миллий кенгаш) билан келишган ҳолда ҳар йилги идоравий коррупцияга қарши курашиш дастурларини тасдиқлади;

(5-банд «а» кичик бандининг тўртинчи хатбоишиси Ўзбекистон Республикаси Президентининг 2021 йил 6 июлдаги ПФ-6257-сонли Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон)

Олдинги таҳрирга қаранг.

ҳар йили Миллий кенгашга тегишли органлар ва ташкилотлар фаолиятида, шу жумладан, қонунчиликни ва хуқуқни қўллаш амалиётини такомиллаштириш орқали коррупция хавф-хатарларига барҳам бериш бўйича таклифларни киритади;

(5-банд «а» кичик бандининг бешинчи хатбоишиси Ўзбекистон Республикаси Президентининг 2021 йил 6 июлдаги ПФ-6257-сонли Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон)

б) давлат бошқаруви органлари, маҳаллий ижро этувчи ҳокимият органлари раҳбарлари коррупция хавф-хатарларини ўз вақтида аниқламаганликлари ва тегишли баҳо бермаганликлари, шунингдек, коррупцияга оид ҳуқуқбузарликларни такроран содир этиш ҳолатларига йўл қўйганликлари юзасидан шахсан жавобгар бўлади.

6. Ўзбекистон Республикаси Олий ва ўрта маҳсус таълим вазирлиги, Адлия вазирлиги, Халқ таълими вазирлиги Бош прокуратура билан биргаликда:

ёшларга коррупцияга қарши курашиш соҳасида ҳуқукий таълим бериш бўйича комплекс чора-тадбирларни ишлаб чиқсин ва 2019 йил 1 сентябрдан бошлаб татбиқ этсин;

умумий ўрта, ўрта маҳсус, касб-хунар таълими ва олий таълим муассасаларининг ўқув дастурларида коррупцияга қарши мавзулар янада кучайтирилишини таъминласин.

7. Ўзбекистон Республикаси Бандлик ва меҳнат муносабатлари вазирлиги Бош прокуратура, Адлия вазирлиги, Молия вазирлиги, Иқтисодиёт ва саноат вазирлиги билан биргаликда уч ой муддатда, шу жумладан техник инфратузилмани ва зарур дастурий таъминотни яратишга оид зарурий чора-тадбирларни амалга оширишни назарда тутган ҳолда муайян тоифадаги давлат хизматчиларининг мулки ва даромадларини декларация қилиш тизимини босқичма-босқич жорий этиш бўйича таклифларни Ўзбекистон Республикаси Вазирлар Маҳкамасига киритсин.

Олдинги таҳрирга қаранг.

Миллий кенгаш (Т.К. Нарбаева):

(8-банднинг биринчи хатбоиси *Ўзбекистон Республикаси Президентининг 2021 йил 6 июлдаги ПФ-6257-сонли Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон)*

2019 йил 1 августдан бошлаб эксперимент тариқасида, жамоатчилик ва етакчи эксперталарни, шу жумладан хорижий эксперталарни жалб этган ҳолда дастлабки босқичда капитал қурилиш ва олий таълим соҳаларида «Коррупциясиз соҳа» лойиҳасини амалга оширишни ташкил этсин, 2020 йил 1 апрелдан бошлаб лойиҳани бошқа соҳаларга ҳам босқичма-босқич жорий этсин;

ҳар йили 1 апрелга қадар тегишли соҳаларда «Коррупциясиз соҳа» лойиҳасини амалга ошириш якунлари тўғрисида Ўзбекистон Республикаси Президенти Администрациясига ахборот киритсин.

Олдинги таҳрирга қаранг.

9. Давлат ҳокимияти ва бошқаруви органлари, жамоат бирлашмалари ва бошқа ташкилотлар давлат дастурининг ижро этилиши ҳолати тўғрисида ҳар чоракда Миллий кенгашга ахборот киритилишини таъминласин.

(9-банд *Ўзбекистон Республикаси Президентининг 2021 йил 6 июлдаги ПФ-6257-сонли Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон*)

10. Коррупцияга қарши курашиш соҳасидаги фаолият самарадорлигини оширишга қаратилган чора-тадбирларни ишлаб чиқиш бўйича маҳсус комиссия (кейинги ўринларда — Маҳсус комиссия) **3-иловага** мувофиқ таркибда тузилсин.

11. Куйидагилар маҳсус комиссиянинг асосий вазифалари этиб белгилансин:

коррупцияга қарши курашишга йўналтирилган жамоатчилик назоратининг амалий чораларини ва қўлланилаётган ҳуқукий механизmlарнинг жорий ҳолатини таҳлил қилиш;

коррупцияга ва бошқа жиноятларга қарши тизимли курашиш соҳасида ҳуқуқни муҳофаза қилувчи ва назорат органлари, шу жумладан ички идоравий назоратни амалга оширадиган бўлинмалар фаолиятини танқидий ўрганиш;

коррупцияга қарши курашиш ва мазкур соҳада идораларро ҳамкорлик қилиш, шунингдек, коррупция кўринишларини содир этиш сабаб ва шароитларини аниқлаш ҳамда уларни бартараф этиш юзасидан комплекс чора-тадбирлар ишлаб чиқишида фойдаланилаётган механизmlарни тубдан қайта кўриб чиқиш;

коррупцияга қарши курашиш ва жамоат назорати соҳасида умум эътироф этилган халқаро стандартлар ва чет эл ижобий тажрибасини ўрганиш.

12. Маҳсус комиссия (З.Ш. Низомиддинов):

а) бир ҳафта муддатда ўрганишнинг тегишли йўналишлари бўйича ишчи гурухларнинг таркибларини ҳамда уларнинг иш режаларини тасдиқласин, шунингдек, ишчи гурухларнинг самарали фаолиятини ташкил этсин;

б) 2019 йил 1 сентябрга қадар:

хуқуқни муҳофаза қилиш органларининг коррупцияга қарши курашиш соҳасидаги фаолиятини, шу жумладан умум эътироф этилган халқаро стандартлар ва чет эл ижобий тажрибасини инобатга олган ҳолда ушбу фаолиятни ташкил этиш ва мазкур йўналишдаги функцияларини оптималлаштиришда ягона ёндашувларни жорий этиш орқали тубдан такомиллаштириш бўйича таклифларни;

коррупцияга қарши курашиш соҳасида жамоатчилик назорати механизmlарини самарали қўллашга йўналтирилган, шу жумладан қўйидагиларни назарда тутувчи комплекс чора-тадбирлар бўйича «Йўл харитаси» лойиҳасини ишлаб чиқсин ва киритсин:

Ўзбекистон Республикаси Олий Мажлиси палаталари ва сиёсий партияларнинг ролини янада кучайтириш;

хуқуқни муҳофаза қилувчи органларнинг Ўзбекистон Республикаси Олий Мажлиси палаталари олдидаги ҳисобдорлиги тартибини такомиллаштириш;

карорлар қабул қилиш жараёнида фуқаролар иштирокининг шаффоф ва самарали усувларини жорий этиш.

13. Ўзбекистон Республикаси Президенти Администрацияси хузуридаги Ахборот ва оммавий коммуникациялар агентлиги:

Ўзбекистон Республикаси Ахборот технологиялари ва коммуникацияларини ривожлантириш вазирлиги билан биргаликда давлат органлари, шу жумладан маҳаллий органлар томонидан расмий веб-сайтлар ва «ишонч телефонлари»дан улар фаолиятининг очиқлигини ва ахборот олиш имкониятини таъминлаш воситаси сифатида фойдаланишлари устидан доимий мониторингни амалга оширсин;

Ўзбекистон Миллий телерадиокомпанияси, ушбу Фармоннинг амалга оширилиши учун масъул бўлган давлат органлари ва ташкилотлари билан биргаликда оммавий ахборот воситалари ва интернет-ресурсларда, шу жумладан чет эл оммавий ахборот воситаларида кенг кўламдаги ахборот-тарғибот ишларини ташкил этиш чора-тадбирларини доимий асосда амалга ошириб, уларда таникли олимлар, давлат органлари раҳбарлари ҳамда жамоатчилик вакилларининг чиқишиларини назарда тутсин ҳамда коррупцияга қарши курашиш масалалари бўйича брифинглар, интернет-конференциялар, телевизион кўрсатувларда уларнинг иштирок этишларини таъминласин;

мазкур йўналишда амалга оширилган ишлар тўғрисида ҳар чорақда Ўзбекистон Республикаси Президенти Администрациясига ҳисобот бериб борсин.

14. Ўзбекистон Республикаси Бош прокуратураси Адлия вазирлиги ҳамда бошқа манфаатдор вазирликлар ва идоралар билан биргаликда икки ой муддатда қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида таклифлар киритсин.

15. Вазирлик ва идоралар ўzlари қабул қилган норматив-хуқуқий ҳужжатларни икки ой муддатда ушбу Фармонга мувофиқлаштиrsin.

16. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти Администрацияси раҳбари З.Ш. Низомиддинов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент ш.,
2019 йил 27 май,
ПФ-5729-сон

**Ўзбекистон Республикаси Президентининг 2019 йил 27 майдаги ПФ-5729-сон Фармонига
1-ИЛОВА**

2019-2020 йилларда коррупцияга қарши курашиш

ДАВЛАТ ДАСТУРИ

| T/p | Чора-тадбирлар номи | Амалга ошириш механизми | Ижро муддати | Масъул ижрочилар |
|--|--|-------------------------|---|--|
| I. Аҳолининг ҳуқуқий онги ва ҳуқуқий маданиятини юксалтириш, жамиятда коррупцияга нисбатан муросасиз муносабатни шакллантириш | | | | |
| 1. | <p>Коррупциянинг хавф-хатарларини таҳлил қилиш асосида, аҳолининг кенг қатламларини хабардор қилиш ва онг-билимларини оширишда мақсадли тадбирларни амалга ошириш, хусусан:</p> <p>мавзули аудио-, видеороликлар, баннерлар, плакатлар ва инновацион ахборот-тарғибот материалларидан фойдаланган ҳолда фуқароларда коррупцияга нисбатан муросасиз муносабат, коррупцияга қарши курашишнинг аниқ ҳулкни шакллантиришга қаратилган, коррупцияга қарши курашиш борасида кампанияларни ўтказиш;</p> <p>сўровлар, ижтимоий ва бошқа тадқиқотлар асосида коррупцияга қарши курашиш тарғиботи ва таълими бўйича чора-тадбирлар натижалари ва таъсирини мунтазам равишда баҳолаш;</p> <p>ушбу соҳада кейинги чора-тадбирларни амалга оширишда баҳолаш натижаларидан фойдаланиш.</p> | Чора-тадбирлар режаси | Алоҳида режа-жадвал асосида, 2019 йил 1 июлгача тасдиқлаш | Идораларо комиссия, Адлия вазирлиги (Р. Давлетов), ИИВ (П. Бобожонов), Бош прокуратура хузуридаги Департамент (Д. Рахимов), Ахборот ва оммавий коммуникациялар агентлиги (К. Алламжонов), вазирлик ва идоралар |
| 2. | Алоҳида мақсадли гурухларнинг (давлат хизматчилари, тадбиркорлар, фуқаролик жамияти институтлари вакиллари ва бошқалар) коррупцияга қарши курашиш механизми ва тизими хақида ҳуқуқий билими ва хабардорлигини ошириш юзасидан аҳамиятга эга бўлган амалий чора-тадбирларни амалга ошириш, шу жумладан куйидагилар орқали: | Чора-тадбирлар режаси | 2019 йил 15 июлгача | Идораларо комиссия, вазирлик ва идоралар |

| | | | | |
|----|--|--------------------------------|--|---|
| | <p>коррупция омилларини аниклаш, коррупция хавф-хатарларини бошқариш ва уларни минималлаштириш бўйича чора-тадбирлар кўриш борасида вазирлик ва идоралар вакиллари учун даврий таълим бериш тизимини жорий этиш; давлат органлари фаолиятининг хусусиятларини инобатга олган ҳолда манфаатлар тўқнашувининг олдини олиш ва ҳал қилиш борасида амалий тавсияларни ишлаб чиқиши;</p> <p>коррупцияга қарши курашиш ва касбий одоб-ахлоқ қоидаларига риоя этиш масалалари бўйича маҳсус ўқув-методик ва бошқа адабиётларни яратиш.</p> | | | |
| 3. | <p>Ёшларда коррупцияга қарши курашиш фаол дунёқараш ва мустаҳкам фуқаролик нуқтаи назарини шакллантирадиган чора-тадбирларни амалга ошириш, шу жумладан:</p> <p>коррупцияга қарши курашиш мавзусида ижтимоий тадбирларга ёшларни кенг жалб қилиш (клублар, тўгараклар, форум ва бошқалар);</p> <p>олий ўқув юртлари ва ёшларнинг бошқа вакиллари хисобидан кўнгиллилар гурухларини шакллантириш;</p> <p>ёшлар ўртасида коррупцияга қарши курашиш мавзусида республика олимпиадалари, танловлар ва мусобақалар ўтказиш.</p> | <p>Ташкилий чора-тадбирлар</p> | <p>Алоҳида режа-жадвал асосида, 2019 йил 1 июлгача тасдиқлаш</p> | <p>Идораларо комиссия, Ёшлар иттифоқи (<i>A. Саъдуллаев</i>), Олий таълим вазирлиги(<i>И. Маджидов</i>), ХТВ (<i>Ш. Шерматов</i>), ТДЮУ (<i>Е. Канъязов</i>), ИИВ Академияси (<i>Б. Матлюбов</i>), Божхона институти (<i>Б. Эргашев</i>), Ахборот ва оммавий коммуникациялар агентлиги (<i>К. Алламжонов</i>), МТРК (<i>А. Хаджаев</i>)</p> |
| 4. | <p>Таълим муассасаларининг ўқув дастурларига коррупцияга қарши курашиш маҳсус курсларини киритиш, шу жумладан:</p> <p>жамиятда коррупциянинг мавжуд бўлган хавф-хатарлари асосида, ўқув материалларини тайёрлаш учун ягона</p> | <p>Ташкилий чора-тадбирлар</p> | <p>2019 йил 1 августгача</p> | <p>Олий таълим вазирлиги (<i>И. Маджидов</i>), ХТВ (<i>Ш. Шерматов</i>), Бош прокуратура Академияси (<i>Е. Коленко</i>), Судьялар олий кенгаши қошидаги Судьялар олий мактаби (<i>X.</i>)</p> |

| | | | |
|----|---|---|--|
| | <p>методологик талабларни ишлаб чиқиш ва тасдиқлаш;</p> <p>барча таълим муассасалари, шу қаторда давлат хизматчилари, шунингдек коррупцияга қарши курашиш бўйича таълим беришга масъул шахсларнинг малакасини ва касбий тайёргарлигини ошириш бўйича муассасаларда тааллукли дастурларни жорий этиш;</p> <p>журналистларни тайёрлаш ўкув дастурларига «Коррупцияга қарши журналист тергови» фанини киритиш.</p> | | <p><i>Исоқов), ТДЮУ (Е. Канъязов), ИИВ Академияси (Б. Матлюбов), Миллий гвардия Ҳарбий-техник институти (М. Рустамбаев)</i></p> |
| 5. | <p>Коррупцияга қарши курашиш соҳасида илмий, тадқиқий ва эксперт салоҳиятини кучайтириш борасида чора-тадбирлар қабул қилиш, шу жумладан коррупцияга қарши курашишда чора-тадбирларни амалга оширишга масъул бўлган шахсларнинг билимларини ва касбий маҳоратини мунтазам равишида ошириш;</p> <p>мазкур соҳада сертификат олган экспертларнинг миллий жамоасини босқичма-босқич шакллантириш;</p> <p>илмий-методик материалларни ишлаб чиқишига хорижий эксперталар ва маслаҳатчиларни жалб этиш;</p> <p>коррупцияга қарши курашиш мавзуида магистратура йўналишлари бўйича ўкув дастурларини жорий этиш;</p> <p>миллий экспертларни коррупцияга қарши курашиш соҳаси бўйича Коррупцияга қарши курашиш халқаро академияси (КҚҚХА) ва бошқа халқаро таълим муассасаларида ўқитиш.</p> | <p>Ташкилий чора-тадбирлар</p> | <p>2019 йил 1 июлгача</p> <p><i>Бош прокуратура (О. Муродов), ИИВ (П. Бобожонов), Адлия вазирлиги (Р. Давлетов), Олий таълим вазирлиги (И. Маджидов), ТИВ (А. Камилов)</i></p> |
| 6. | <p>Давлат органлари ва ташкилотларнинг масъул ходимлари томонидан ишга</p> | <p>Норматив-хукукий хужжат лойихаси</p> | <p>2019 йил 1 сентябрдан</p> <p><i>Бош прокуратура (О. Муродов), Олий таълим вазирлиги (И.</i></p> |

| | | | |
|----|---|-------------------------------|---|
| | қабул қилинганидан сўнг ҳамда муайян вақт ўтганидан сўнг, касбий одоб-ахлоқ қоидаларига риоя этиш, манфаатлар тўқнашувини бартараф қилиш ва коррупцияга қарши курашишнинг бошқа йўналишлари бўйича қисқа муддатли ўкув курсларини мажбурий равишда ўташ тартибини жорий этиш. | | <i>Маджидов), Адлия вазирлиги (Р. Давлетов), ДБА (Х. Азизов), ЖИДУ (М. Бакоев), ТДЮУ (Е. Канъязов), вазирлик ва идоралар</i> |
| 7. | <p>Коррупцияга қарши курашиш соҳасида, куйидагиларни назарда тутадиган тадқиқотларни ташкил қилиш, жумладан:</p> <ul style="list-style-type: none"> содир этилаётган коррупцияга оид жиноятларнинг ўзига хос схемасини ўрганиш асосида коррупциянинг типологиясини тузиш; коррупцияга мойил бўлган соҳаларни аниқлаш асосида тармоқлар кесимида коррупцияга оид хариталарни тузиш; коррупцияга оид хукуқбузарликлар содир этилишининг шарт-шароитлари ва сабабларини ўрганиш, шунингдек уларни бартараф этиш таклифларини ишлаб чиқиш; коррупцияга қарши курашиш соҳасида қабул қилинаётган чоратадбирларнинг самарадорлигини баҳолаш; коррупцияга қарши курашиш соҳасида таълим ва тадқиқот муассасалари илмий ходимларига, шу жумладан, халқаро ташкилотлардан коррупцияга қарши курашиш соҳасида тадқиқотлар ўтказиш бўйича грантлар жалб қилиш орқали қўмаклашиш; коррупция даражаси, коррупцияни идрок этиш ва шахсий тажрибаси, шунингдек, давлат ҳокимияти | <p>Ташкилий чоратадбирлар</p> | <p>2020 йил 1 апрелгача</p> <p>Идоралараро комиссия, «Ижтимоий фикр» маркази (<i>P. Убайдуллаева</i>), ФЖШМҚМИ (<i>P. Камилов</i>), «Ривожланиш стратегияси» маркази (<i>Э. Туляков</i>), Бош прокуратура Академияси (<i>E. Коленко</i>) ТДЮУ (<i>E. Канъязов</i>), ИИВ Академияси (<i>B. Матлюбов</i>), Миллий гвардия Ҳарбий-техник институти (<i>M. Рустамбаев</i>), ЖИДУ (<i>M. Бакоев</i>), вазирлик ва идоралар</p> |

| | | | |
|----|--|-------------------------------|--|
| | институтларига ишонч ва коррупцияга қарши чораларнинг таъсири даражасини баҳолаш мақсадида жамоатчилик фикрини ўрганиши. | | |
| 8. | <p>Идоралараро комиссиясининг расмий веб-сайти асосида халқаро стандартларга мувофиқ зарур маълумотларни ўз ичига олган портални яратиш, шу жумладан:</p> <ul style="list-style-type: none"> коррупцияга қарши тадбирлар ҳақида хисбот ва маълумотлар; коррупциянинг тарқалиши ва идрок этилиши ҳақида ижтимоий ва илмий тадқиқотлар натижалари; норматив-хуқуқий ҳужжатларнинг лойиҳаси бўйича коррупцияга қарши экспертиза натижалари тўғрисида маълумот; коррупция жиноятлари, уларнинг тергов ва судда кўрилиши натижалари бўйича статистик маълумотлар; маълумот, методик ва ахборот материаллари; коррупцияга қарши курашиш соҳасида амалга оширилаётган чоратадбирларни мухокама қилиш учун жамоатчилик билан қайта алоқа механизмлари, шунингдек жамоатчилик фикрини сўров қилиш натижалари. | <p>Ташкилий чоратадбирлар</p> | <p>2019 йил 1 ноябргача</p> <p>Идоралараро комиссия, ЛБМА (<i>Д. Ли</i>), Ахборот технологиялари ва коммуникацияларини ривожлантириш вазирлиги (<i>Ш. Садиков</i>), Молия вазирлиги (<i>Т. Ишметов</i>), «Ижтимоий фикр» маркази (<i>P. Убайдуллаева</i>), Адлия вазирлиги (<i>P. Давлетов</i>), Олий суд (<i>К. Камилов</i>), ССП (<i>A. Икрамов</i>)</p> |
| 9. | Коррупцияга қарши курашиш бўйича чоратадбирларни амалга ошириш жараёнида, шу жумладан халқаро эксперталар иштироқида семинарлар, «давра сұхбатлари» ва конференциялар ўтказишини назарда тутадиган халқаро мезонлар ва илғор чет эл тажрибаларини жорий этиш. | <p>Ташкилий чоратадбирлар</p> | <p>2020 йил 1 апрелгача</p> <p>Идоралараро комиссия</p> |

| | | | | |
|-----|---|-------------------------|----------------------|---|
| 10. | <p>Кўйидагилар ёрдамида, коррупцияга қарши курашиш чораларини ишлаб чиқиши ва бажариш жараённида фуқаролик жамияти институтларини янада жалб қилишда мақсадли тадбирларини амалга ошириш:</p> <p>давлат органлари билан ўзаро муносабатлар ва қайта алоқани мустаҳкамлаш механизмларини кучайтириш;</p> <p>ижтимоий шериклик доирасида давлат органлари, шунингдек, жамоат кенгашлари фаолиятига фуқаролик жамияти институтларини жалб этишининг шаффофф ва объектив мезонларига асосланган механизmlарни белгилаш.</p> | Ташкилий чора-тадбирлар | 2020 йил 1 апрелгача | Идораларро комиссия, Адлия вазирлиги (<i>P. Давлетов</i>), ФЖШМҚМИ (<i>P. Камилов</i>), «Ривожланиш стратегияси» маркази (<i>Э. Туляков</i>), ЎзННТМА (<i>И. Насриев</i>), вазирлик ва идоралар |
|-----|---|-------------------------|----------------------|---|

П. Давлат ва жамият ҳаётининг барча соҳаларида коррупциянинг олдини олиш бўйича чора-тадбирларни амалга ошириш

| | | | | |
|-----|---|----------------|------------------------|---|
| 11. | <p>Кўйидагиларни назарда тутувчи, «Давлат молиявий назорати тўғрисида»ги қонун лойиҳасини ишлаб чиқиши:</p> <p>бюджет жараёнининг хар бир босқичида ташқи ва ички молиявий назорат ҳамда аудитнинг вазифалари ва мақсадини бир-биридан ажратиш;</p> <p>низом жамғармасида давлат улуши бўлган ташкилотларда давлат молиявий назоратини амалга ошириш;</p> <p>молиявий, шу жумладан, коррупцияга оид жиноятларни ўз вақтида аниқлаш.</p> | Қонун лойиҳаси | 2019 йил 1 сентябргача | Молия вазирлиги (<i>T. Ишметов</i>), Ҳисоб палатаси (<i>O. Рустамов</i>), Иқтисодиёт ва саноат вазирлиги (<i>Б. Хўжаев</i>), ЛБМА (<i>Д. Ли</i>), Бош прокуратура (<i>O. Муродов</i>), Давлат активларини бошқариш агентлиги (<i>A. Хайдаров</i>), Капитал бозорини ривожлантириш агентлиги (<i>A. Назиров</i>) |
| 12. | <p>Идоралар фаолиятининг молиявий натижаларини очиб берадиган, ички ҳамда ташқи аудит соҳасини белгилаш йўли орқали амалга оширилаётган назоратнинг самараси ҳақидаги маълумотлар, шу жумладан ички назорат ва ички аудит хизмати ходимларининг хукукий мақоми ва ваколатини белгилайдиган, давлат бошқаруви тизими ривожланиши, прогнозлаш ва стратегик режалаштиришга оид</p> | Қонун лойиҳаси | 2019 йил 1 сентябргача | Молия вазирлиги (<i>T. Ишметов</i>), Ҳисоб палатаси (<i>O. Рустамов</i>), Иқтисодиёт ва саноат вазирлиги (<i>Б. Хўжаев</i>), Бош прокуратура (<i>O. Муродов</i>), ЛБМА (<i>Д. Ли</i>), Давлат активларини бошқариш агентлиги (<i>A. Хайдаров</i>), Бош прокуратура хузуридаги |

| | | | | |
|-----|---|----------------|------------------------|---|
| | хуфиёна иқтисодиёт ва коррупцияга қарши чораларни ошкор этишни таъминлайдиган механизмларни жорий этишини назарда тутадиган «Давлат ички назорати ва ички аудити тўғрисида»ги қонун лойиҳасини ишлаб чиқиши. | | | Департамент (Д. Рахимов) |
| 13. | Давлат ҳокимияти ва бошқаруви органлари фаолиятининг очиқлигини таъминлаш юзасидан норматив-хуқуқий ва ташкилий-амалий чоратадбирларни такомиллаштириш, шу жумладан қуйидаги йўллар билан: маълумотлардан эркин фойдаланиш хуқуқига оид қонунчиликни халқаро стандартларга мувофиқлиги нуқтаи назаридан ўрганиш; фуқароларнинг маълумотлардан эркин фойдаланиш юзасидан ўз хуқуқ ва мажбуриятлари ҳақида хабардорликларини ошириш; давлат органлари томонидан ахборотни нашр қилиш учун ягона электрон тизимни жорий этиш. | Қонун лойиҳаси | 2019 йил 1 сентябргача | Давлат ҳокимияти ва бошқаруви органлари фаолиятининг очиқлигини таъминлаш фаолиятини мувофиқлаштириш ва мониторингини олиб бориш бўйича жамоатчилик кенгаши (И. Абдуллаев) |
| 14. | Давлат харидлари тизимини янада такомиллаштиришни назарда тутувчи «Ўзбекистон Республикасининг «Давлат харидлари тўғрисида»ги Қонунига ўзгартириш ва кўшимчалар киритиш тўғрисида»ги қонун лойиҳасини ишлаб чиқиши: барча давлат харидлари субъектларини босқичмабосқич қамраб олиш бўйича чоралар кўриш; харид (ISO 20400) ва коррупцияга қарши курашиш (ISO 37001) стандартлари бўйича компанияларни сертификатлаштириш тизимини жорий этиш; | Қонун лойиҳаси | 2019 йил 1 ноябргача | Молия вазирлиги (Т. Ишметов), Иқтисодиёт ва саноат вазирлиги (Б. Хўжаев), Монополияга қарши курашиш кўмитаси (Н. Шарипов), «Ўзстандарт» агентлиги (Д. Саттаров), вазирлик ва идоралар |

| | | | | |
|-----|---|----------------------|-----------------------|--|
| | <p>давлат харидлари соҳасидаги қонун хужжатларини бузганлик учун маъмурий жавобгарликни белгилаш;</p> <p>афғилланган шахсларнинг харидларда қатнашишларига чекловлар белгилаш;</p> <p>барча давлат тендерларини қамраб олиш учун маҳсулот етказиб берувчиларнинг ҳамма фойдалана оладиган ягона реестрини юритиш;</p> <p>давлат харидлари бўйича ахборотнинг ошкоралиги ва эркинлигини ошириш;</p> <p>харид жараёнида бюроқратик ва субъектив омилларни минималлаштириш;</p> <p>натижаларни статистик таҳдил қилиш, шунингдек, харид тартибининг барча зарур параметрлари бўйича ягона маълумотлар базасини ташкил килиш.</p> | | | |
| 15. | <p>Ахборот технологиялари ва коммуникацияларидан фойдаланиш орқали судьяларни очик, ошкора танлаш ва тайинлаш механизмларини такомиллаштириш, шу жумладан:</p> <p>танлов натижаларини оммавий ахборот воситаларида, шу жумладан Ўзбекистон Республикаси Судьялар олий кенгашининг веб-сайтида эълон қилиш;</p> <p>судьялар аниқ ифода этилган ошкора мезон ва тартиблар асосида баҳоланишини таъминлаш.</p> | Қонун лойиҳаси | 2019 йил 1 декабргача | Судьялар олий кенгаши (У. Мингбоев), Олий суд (К. Камилов) |
| 16. | <p>Суд тизимида коррупцияга қарши курашишнинг самарадорлигини ошириш бўйича чора-тадбирларни қабул қилиш, шу жумладан:</p> <p>судьялар малака ҳайъатлари котибларининг ролини ошириш, шу жумладан уларга коррупциянинг олдини олиш ва</p> | Қўшма қарор лойиҳаси | 2019 йил 15 июнгача | Судьялар олий кенгаши (У. Мингбоев), Олий суд (К. Камилов) |

| | | | | |
|-----|---|---------------------------------------|-----------------------|--|
| | <p>унга қарши курашиш соҳасидаги фаолиятни амалга ошириш вазифасини юклаш; судьялар малака ҳайъатлари котибларининг Ўзбекистон Республикаси Судьялар олий кенгашининг судьялар дахлсизлигини таъминлаш бўйича Суд инспекцияси билан самарали ҳамкорлик қилиш, шунингдек, уларнинг Кенгашга хисобдорлиги механизмларини яратиш;</p> <p>судьялар ва суд ходимлари ўртасида профилактик ва тушунтириш ишларини мунтазам равишда олиб бориш; одил судловни амалга ошириш фаолиятига аралашиш фактлари бўйича судьяларнинг Ўзбекистон Республикаси Судьялар олий кенгашининг Суд инспекциясига аноним тарзда мурожаат қилиш тартибини жорий этиш;</p> <p>коррупциянинг келиб чиқиши сабабларини тизимли ва чуқур таҳлил қилишни ва уларнинг олдини олишни таъминлаш.</p> | | | |
| 17. | <p>«Прокуратура органларида хизматни ўташ тартиби тўғрисида»ги қонун лойиҳасини ишлаб чиқиш, шу жумладан:</p> <p>прокуратура органлари ва муассасаларида хизмат қилиш учун институционал механизмларни мустаҳкамлаш; кадрларни шаффоф танловлар асосида саралаб олишининг мутлақо янги механизмини жорий этиш;</p> <p>манфаатлар тўқнашувини олдини олиш ва бартараф қилиш.</p> | Қонун лойиҳаси | 2019 йил 1 декабргача | Бош прокуратура (<i>О. Муродов</i>), Молия вазирлиги (<i>Т. Ишметов</i>), Ахборот технологиялари ва коммуникацияларини ривожлантириш вазирлиги (<i>Ш. Садиков</i>) |
| 18. | Коррупция ва солиқ таваккалчилигини бартараф этиш бўйича чора-тадбирларни назарда тутган ҳолда, ўрта муддатли ва узок муддатли даврда солиқ хизматини | Норматив-хуқуқий хужжатлар лойиҳалари | 2019 йил 1 декабргача | ДСҚ (<i>Б. Мусаев</i>), Молия вазирлиги (<i>Т. Ишметов</i>), Мехнат вазирлиги (<i>Ш. Кудбиев</i>), Иқтисодиёт ва саноат вазирлиги (<i>Б.</i> |

| | | | |
|-----|--|--|---|
| | стратегик бошқариш механизмларини жорий этиш. | | <i>Хўжаев), Бош прокуратура (O. Муродов)</i> |
| 19. | <p>Қўйидаги чораларни амалга ошириш орқали коррупцияга қарши курашиш соҳасида парламент назорати самарадорлигини ошириш, бунда:</p> <p>қонун хужжатларини таҳлил қилиш, уларда коррупцияга шароит яратадиган қоида ва нормаларни аниқлаш;</p> <p>барча даражадаги давлат органлари раҳбарларининг маълумотларини эшлиши;</p> <p>давлат органларининг коррупцияга қарши курашиш соҳасидаги хуқуқни қўллаш амалиётини тизимли равишда ўрганиш;</p> <p>коррупцияга қарши курашиш бўйича давлат органлари томонидан амалга ошириладиган идоравий чоралар самарадорлигини баҳолаш;</p> <p>коррупцияга қарши курашиш соҳасида қонунчилик ва хуқуқни қўллаш амалиётини такомиллаштириш бўйича таклифлар тайёрлаш.</p> | <p>Ўзбекистон Республикаси Олий Мажлис палаталари Кенгашлари қўшма қарори лойиҳаси</p> | <p>2019 йил 1 октябргача</p> <p>Олий Мажлис палаталари — келишиш асосида (<i>H. Исмаилов, H. Йўлдашев</i>)</p> |
| 20. | <p>Коррупцияга қарши курашиш бўйича идоравий тизимлар самарадорлигини ошириш, шу жумладан:</p> <p>коррупцияга кўпроқ мойил бўлган соҳаларни аниқлаш;</p> <p>хизмат вазифаларини бажаришда ходимларнинг манфаатлар тўқнашуви ҳақида хабар бериш ва уларни ҳал қилиш масалаларини лозим даражада тартибга солиш, шунингдек, ушбу маҷбуриятларни бузганлик учун жавобгарликни ошириш;</p> <p>давлат органларида коррупцияга қарши курашиш бўйича идоравий</p> | <p>Идоравий хужжатлар</p> | <p>2019 йил 1 ноябргача</p> <p>Идораларро комиссия, Бош прокуратура (<i>O. Муродов</i>), Адлия вазирлиги (<i>P. Давлетов</i>), вазирлик ва идоралар</p> |

| | | | |
|---|---|--|--|
| | <p>координаторларнинг ўзаро ҳамкорлиги;</p> <p>барча даражадаги давлат органлари, шунингдек, маҳаллий давлат ҳокимияти органлари томонидан коррупцияга оид хуқуқбузарликларни, шунингдек, уларнинг содир этилиши сабаблари ва шарт-шароитларини аниқлаш бўйича чора-тадбирларни ишлаб чиқиш;</p> <p>идоравий чора-тадбирларни амалга ошириш устидан ички назорат механизмларини кучайтириш.</p> | | |
| 21. | <p>Устав жамғармасида давлат улуши бўлган ташкилотларда коррупцияга қарши курашиш чораларини кучайтириш, жумладан:</p> <p>коррупцияга қарши курашиш «комплаенс назорат» (compliance control) тизимини жорий этиш ва унинг самарадорлигини мониторинг қилиш;</p> <p>коррупцияга қарши курашиш тегишли коррупцион стандарти (ISO 37001)га мувофиқ сертификатлаштириш тартибини ўрнатиши.</p> | Норматив-хукукий хужжат лойиҳаси | 2020 йил 1 апрелгача <p>Давлат активларини бошқариш агентлиги (<i>А. Хайдаров</i>), Монополияга қарши курашиш қўмитаси (<i>Н. Шарипов</i>), Капитал бозорини ривожлантириш агентлиги (<i>А. Назиров</i>), Иқтисодиёт ва саноат вазирлиги (<i>Б. Хўжаев</i>), «Ўзстандарт» агентлиги (<i>Д. Саттаров</i>)</p> |
| 22. | <p>Коррупцияга қарши маҳсус тадбирларни хусусий секторга жорий этишга фаол кўмаклашиш, унда қўйидагиларни назарда тутувчи чораларни кўриш:</p> <p>ички назорат чоралари ва тартиб-таомилларини кучайтириш;</p> <p>давлат харидларида иштирок этиш бўйича қатъий ахлоқ қоидаларини тъминлаш;</p> <p>бизнеснинг коррупцияга қарши курашишдаги жамоавий тадбирларини рағбатлантириш.</p> | Ўзбекистон бизнесининг Коррупцияга қарши курашиш хартиясининг лойиҳаси | 2019 йил 1 октябргача <p>Ўзбекистон Республикаси Президенти хузуридаги Тадбиркорлик субъектларининг хуқуклари ва қонуний манфаатларини химоя қилиш бўйича вакил (<i>Д. Косимов</i>), Савдо-саноат палатаси (<i>А. Икрамов</i>), Адлия вазирлиги (<i>Р. Давлетов</i>)</p> |
| <p>III. Коррупцияга оид хуқуқбузарликларни ўз вақтида аниқлаш, уларга чек қўйиш, имконият яратувчи сабаблар, шарт-шароитлар ва оқибатларини бартараф этиш, коррупцияга оид хуқуқбузарликларни содир этганлик учун жавобгарликнинг мукаррарлиги принципини тъминлаш</p> | | | |

| | | | | |
|-----|--|----------------------------------|------------------------|---|
| 23. | <p>Коррупцияга оид хукуқбизарликлар тўғрисида давлат органларига ахборот бериш механизмларини такомиллаштириш, шу жумладан:</p> <p>фуқароларга коррупция фактлари тўғрисида давлат органларини хабардор қилиш имконини берувчи мобил ва бошқа иловаларни ишлаб чиқиш;</p> <p>коррупция фактлари ҳақида аноним хабарларни ўрганиш имкониятлари.</p> | Ташкилий чора-тадбирлар | 2019 йил 1 декабргача | Ахборот технологиялари ва коммуникацияларини ривожлантириш вазирлиги (<i>Ш. Садиков</i>), ЛБМА (<i>Д. Ли</i>), Идораларо комиссия |
| 24. | Давлат органлари билан жамоатчилик ўртасидаги муносабатлар сифатини яхшилаш бўйича чора-тадбирларни амалга ошириш, давлат ҳокимияти ва бошқаруви органлари, шу жумладан маҳаллий давлат ҳокимияти органларининг ишонч телефонлари ва Call-марказлари («тезкор алоқа линиялари») иш самарадорлиги мониторингини таъминлаш, унинг натижаларини мунтазам нашр этиш. | Ташкилий чора-тадбирлар | 2020 йил 1 апрелгача | Ахборот ва оммавий коммуникациялар агентлиги (<i>К. Алламжонов</i>), ЛБМА (<i>Д. Ли</i>), Ахборот технологиялари ва коммуникацияларини ривожлантириш вазирлиги (<i>Ш. Садиков</i>), Бош прокуратура (<i>О. Муродов</i>), вазирлик ва идоралар |
| 25. | Коррупция билан боғлиқ жиноятлар ҳақида хабар берган шахсларни ҳимоя қилишнинг ташкилий-хуқуқий механизмларини такомиллаштириш. | Қонун лойиҳаси | 2020 йил 1 сентябргача | Олий суд (<i>К. Камилов</i>), Бош прокуратура (<i>О. Муродов</i>), ИИВ (<i>П. Бобоҷонов</i>) |
| 26. | <p>Тадбиркорларнинг қонуний хукуклари ва манфаатларини ҳимоя қилиш механизмларини такомиллаштириш, шу жумладан:</p> <p>тадбиркорлик субъектлари фаолиятига аралашганлиги, ноқонуний ҳаракатлар қилганлиги, тадбиркорлик субъектларининг фаолиятини чеклашга ёки уларни тўхтатишга сабаб бўлган асоссиз ва ноқонуний ҳаракатлар (ҳаракатсизлик) учун</p> | Норматив-хуқуқий ҳужжат лойиҳаси | 2019 йил 1 октябргача | Ўзбекистон Республикаси Президенти хузуридаги Тадбиркорлик субъектларининг хукуклари ва қонуний манфаатларини ҳимоя қилиш бўйича вакил (<i>Д. Қосимов</i>), Адлия вазирлиги (<i>Р. Давлетов</i>), ССП (<i>А. Икрамов</i>) |

| | | | | |
|-----|--|---|----------------------|---|
| | мансадбор шахсларнинг жавобгарлигини ошириш; тадбиркорларнинг қонуний манфаатлари ва хукукларини янада химоя қилиш масалаларида жамоатчилик назорати механизмлари жорий этилишини таъминлаш. | | | |
| 27. | <p>Коррупцияга қарши курашиш соҳасида хукуқни муҳофаза қилувчи органлари ходимларини ва судьяларни тайёрлаш бўйича амалий чораларни қуидагилар орқали такомиллаштириш:</p> <ul style="list-style-type: none"> коррупцияга қарши курашишнинг замонавий воситалари ва усулларидан фойдаланиш; коррупция жиноятларини аниқлаш, тергов қилиш ва судда кўриб чиқиш; мураккаб молиявий жиноятларни тергов қилиш, жиноий даромадларни легаллаштириш соҳасидаги ишларни самарали суриштириш; малака ошириш жараёнига халқаро ташкилотлар ва хорижий эксперктарни жалб қилиш. | Ташкилий чора-тадбирлар (ўқув дастурлари, модуллар, масофавий курсларни ишлаб чиқиш, тренинглар, «давра сұхбатлари» ва бошқаларни ташкиллаштириш) | 2019 йил 1 ноябргача | Бош прокуратура Академияси (<i>E. Коленко</i>), Судъялар олий кенгаши қошидаги Судьялар олий мактаби (<i>X. Исоқов</i>), ТДЮУ (<i>E. Канъязов</i>), ИИВ Академияси (<i>B. Матлюбов</i>) |
| 28. | Коррупцияга қарши курашиш соҳасида янги хавф-хатар ва таҳдиidlарни ҳисобга олган ҳолда, хукуқни муҳофаза қилувчи органларнинг техник жиҳозланишини такомиллаштириш бўйича амалий чора-тадбирларни амалга ошириш | Вазирлар Маҳкамаси қарори лойиҳаси | 2020 йил 1 июлгача | Бош прокуратура (<i>O. Муродов</i>), ИИВ (<i>P. Бобожонов</i>), ДХХ (<i>A. Азизов</i>), ДБҚ (<i>M. Азимов</i>), ДСҚ (<i>B. Мусаев</i>), Адлия вазирлиги (<i>R. Даҳлетов</i>), Молия вазирлиги (<i>T. Ишметов</i>) |

IV. Коррупцияга қарши курашиш масалалари бўйича халқаро ҳамкорлик

| | | | | |
|-----|--|-------------------------|-----------------------|--|
| 29. | Коррупцияга қарши курашиш соҳасида меъёрий ва ташкилий-амалий базани такомиллаштириш жараёнига халқаро ташкилотлар (БМТ НЖҚКБ, БМТТД, ИХТТ, ЕХХТ, ШХТ, ЕОГ ва бошқалар)ни жалб қилиши. | Ташкилий чора-тадбирлар | 2019 йил 1 декабргача | ТИВ (<i>A. Камилов</i>), Бош прокуратура (<i>O. Муродов</i>), Адлия вазирлиги (<i>R. Даҳлетов</i>), ИИВ (<i>P. Бобожонов</i>), Ахборот ва оммавий коммуникациялар |
|-----|--|-------------------------|-----------------------|--|

| | | | | агентлиги (К. Алламжонов) |
|-----|---|---|------------------------|---|
| 30. | ИХТТнинг тавсияларини бажариш бўйича ҳар томонлама ва самарали чоралар кўриш. | ИХТТнинг тавсияларини бажариш бўйича «Йўл харитаси» | 2019 йил 1 июлгача | Идораларо комиссия |
| 31. | Бирлашган Миллатлар Ташкилотининг Коррупцияга қарши конвенцияси мониторинги 2-босқичига тайёргарлик кўриш ва тегишли ташкилий чораларни қабул қилиш | Ташкилий чора-тадбирлар | 2019 йил 1 декабргача | Бош прокуратура (О. Муродов), Адлия вазирлиги (Р. Давлетов), ТИВ (А. Камилов) |
| 32. | Коррупцияга қарши курашишга бағишланган халқаро форумни ўтказиш ва унда ушбу соҳадаги етук хорижий мутахассисларни жалб қилиш масаласини кўриб чиқиш. | Ташкилий чора-тадбирлар | 2019 йил 15 декабргача | Бош прокуратура (О. Муродов), ИИВ (П. Бобожонов), Адлия вазирлиги (Р. Давлетов), ТИВ (А. Камилов) |
| 33. | Ўзбекистон Республикаси Ҳисоб палатасининг аудиторлик халқаро ташкилотлари олий органлари (INTOSAI, ASOSAI и ECOSAI)га қўшилиши ва хорижий давлатларнинг юқори даражадаги аудиторлик органлари ва етакчи халқаро ташкилотлар билан алоқалар ўрнатиши бўйича чора-тадбирлар қабул қилиш. | Ташкилий чора-тадбирлар | 2019 йил 1 декабргача | Ҳисоб палатаси (О. Рустамов), ТИВ (А. Камилов), Молия вазирлиги (Т. Ишметов) |
| 34. | Хорижий оммавий ахборот воситаларида давлат ва жамиятнинг коррупцияга қарши курашишдаги принципиал позицияси тўғрисида хорижий давлатлар, инвесторлар ва фуқароларнинг тушунчасини яхшилашга қаратилган коррупцияга қарши курашиш бўйича республикамиз томонидан қабул қилинган чоралар тўғрисида маҳсус материаллар ёритилишини ташкил этиш. | Ташкилий чора-тадбирлар | 2020 йил 1 январгача | ТИВ (А. Камилов), Бош прокуратура (О. Муродов), Адлия вазирлиги (Р. Давлетов), ИИВ (П. Бобожонов) |
| 35. | Қўйидаги халқаро шартномаларга қўшилиши масаласини кўриб чиқиш: Жиноий фаолиятдан олинган даромадларни аниқлаш, олиб | Таҳлилий материаллар | 2019 йил 1 июлгача | Бош прокуратура (О. Муродов), ТИВ (А. Камилов), Адлия вазирлиги (Р. Давлетов) |

| | | |
|--|--|--|
| <p>күйиш ва мусодара қилиш ҳамда терроризмни молиялаштиришга қарши курашиш Европа Кенгаши Конвенцияси (Варшава ш., 2005 йил 16 май);</p> <p>Фуқаролик, оиласвий ва жиноий ишлар бўйича хуқуқий ёрдам ва хуқуқий муносабатлар тўғрисидаги МДҲнинг Кишинев конвенцияси (Кишинёв ш., 2002 йил 7 октябрь).</p> | | |
|--|--|--|

Олдинги таҳрирга қаранг.

*(3-илюва Ўзбекистон Республикаси Президентининг 2021 йил 6 июлдаги ПФ-6257-сонли
Фармонига асосан ўз кучини йўқотган — Қонунчилик маълумотлари миллий базаси, 07.07.2021 й.,
06/21/6257/0645-сон)*

Ўзбекистон Республикаси Президентининг 2019 йил 27 майдаги ПФ-5729-сон Фармонига
3-ИЛОВА

Коррупцияга қарши курашиш соҳасидаги фаолият самарадорлигини оширишга қаратилган чора-тадбирларни ишлаб чиқиши бўйича маҳсус комиссия

ТАРКИБИ

Олдинги таҳрирга қаранг.

- | | |
|------------------------------|---|
| 1. З.Ш. Низомиддинов | — Ўзбекистон Республикаси Президенти Администрацияси раҳбари, Комиссия раҳбари |
| 2. В.В. Махмудов | — Ўзбекистон Республикаси Президенти ҳузуридаги Хавфсизлик кенгаши котиби |
| 3. Б.М. Мавлонов | — Ўзбекистон Республикаси Президенти маслаҳатчисининг биринчи ўринбосари |
| 3 ¹ А.Э. Бурханов | — Ўзбекистон Республикаси Коррупцияга қарши курашиш агентлиги директори |
| 4. А.А. Азизов | — Ўзбекистон Республикаси Давлат хавфсизлик хизмати раиси |
| 5. У.К. Мингбоев | — Ўзбекистон Республикаси Судьялар олий кенгаши раиси |
| 6. К.Ф. Камилов | — Ўзбекистон Республикаси Олий суди раиси |
| 7. Н.Т. Йўлдошев | — Ўзбекистон Республикаси Бош прокурори |
| 8. Б.А. Шаякубов | — Ўзбекистон Республикаси Президенти ҳузуридаги Хавфсизлик кенгаши котиби ўринбосари |
| 9. Н.М. Рустамбеков | — Ўзбекистон Республикаси Президенти маслаҳатчисининг ўринбосари |
| 10. Р.К. Давлетов | — Ўзбекистон Республикаси адлия вазири |
| 11. П.Р. Бобоҷонов | — Ўзбекистон Республикаси ички ишлар вазири |
| 12. М.Б. Азимов | — Ўзбекистон Республикаси Давлат божхона қўмитаси раиси |
| 13. Б.А. Мусаев | — Ўзбекистон Республикаси Давлат солик қўмитаси раиси |

*Изоҳ. Маҳсус комиссия аъзолари бошқа ишга ўтган тақдирда, унинг таркибига ушбу лавозимларга
янгидан тайинланган шахслар киритилади.*

*(3-илюва Ўзбекистон Республикаси Президентининг 2021 йил 6 июлдаги ПФ-6257-сонли
Фармони таҳририда — Қонунчилик маълумотлари миллий базаси, 07.07.2021 й., 06/21/6257/0645-сон)*

*(Қонун ұжысшатлари маълумотлари миллий базаси, 29.05.2019 й., 06/19/5729/3199-сон, 20.07.2019 й.,
06/19/5769/3450-сон; 17.03.2021 й., 06/21/6188/0216-сон; Қонунчилек маълумотлари миллий базаси,
07.07.2021 й., 06/21/6257/0645-сон)*